

ԴՈՓՅԱՆ ԻՇԽԱՆԱԿԱՆ ՏԱՆ ԾԱԳՄԱՆ ՀԱՐՑԻ ՇՈՒՐՋ

ԳԵՂԱՄ ԿԻՐԱԿՈՍՅԱՆ

XIII դ. արշալույսից Արևելյան Հայաստանի քաղաքական ու մշակութային կյանքում աչքի ընկած Դոփյան իշխանական տան ծագման հարցի շուրջ պատմագիտական գրականության մեջ հայտնվել են տարբեր կարծիքներ: Խրենդրո առարկա հարցով զբաղվողներից Սաայի կաթողիկոսը, Հ. Շահխաթունյանցը, Մ. Բարխուտարյանցը, Ղ. Ալիշանը, Կարապետ եպիսկոպոսը և ուրիշներ այն կարծիքն են հայտնել, որ Ջաքարյան Սարգիս մեծի դուստր իշխանուհի Դոփի ամուսինը եղել է Ղարա Գրիգորը:

Բ. Ուլուբաբյանը քննադատելով հիշյալ ուսումնասիրողներին և թյուրիմացության աղբյուրը համարելով Սաայի կաթողիկոսի 1718 թ. կազմած Դոփյան տան ճյուղագրությունը¹, «ապացուցել» է, որ Դոփի ամուսինը եղել է ոչ թե Ղարա Գրիգորը, այլ Հասանը², զարմանալիորեն մրոացության տալով այն հանգամանքը, որ իրենից առաջ այդ կարծիքն են հայտնել անվանի Բանասերպատմաբան Գ. Հովսեփյանը, ակադ. Հ. Մանանդյանը և տղերիս հեղինակը³, ինչդրո առարկա հարցը քննելիս, անտեսելով նախորդ հետազոտողների կատարած աշխատանքը, Բ. Ուլուբաբյանը գրում է. «Այսքան երկար կանգ առանք Դոփի ամուսնու անվան աղավաղումների վրա, որովհետև ուսումնասիրողները և նույնիսկ Կարապետ եպիսկոպոսը, որ հատուկ ուսումնասիրություն է գրել Դոփյան տոհմաճյուղի մասին, Սաայի կաթողիկոսի մի հատիկ թյուրիմացությանը կառչած՝ չեն նկատել աղբյուրներում սփռված բազմաթիվ այնպիսի տեղեկություններ, որոնք տալիս են Դոփյան ճյուղի ճշգրիտ ակունքը»⁴: Իրենից առաջ բոլոր ուսումնասիրողներին, առանց բացառության, մեղադրելով «Դոփյան ճյուղի ճշգրիտ ակունքը» հավաստող փաստեր չնկատելու մեջ, որքան էլ տարօրինակ է, Բ. Ուլուբաբյանը վկայակոչում է տվյալներ, որոնք տակավին 1913 թ. օգտագործել է Գ. Հովսեփյանը, իսկ հետագայում Դոփյանների պատմությանն անդրադարձած ուրիշ ուսումնասիրողներ: Բ. Ուլուբաբյանն իր «Նորույթը» հիմնավորելու համար վկայակոչում է Գ. Հովսեփյանի կողմից 1951 թ. հրատարակված հիշատակարաններից մեկը, որը դեռևս 1969 թ. օգտագործել ենք նաև մենք, Դոփյանների մասին վերը հիշատակված մեր հոդվածը գրելիս:

1244 թ. ինքնագիր հիշատակարանում Գրիգոր իշխանը՝ Հասանի և Դոփի որդին, խոսելով մոնղոլների արշավանքին իր մասնակցության մասին, գրել է «Եւ ապա սակաւիկ մի թողացուցեալ նահանգիս մերոյ և նուաճեալ ի ծառայութիւն եւ ընթեանց զիշխանս և զհեծեալազարս ընդ փնքեանս տանէին ուր և երթային. ընդ տրս և գրասեցայ ես՝ Գրիգոր՝ որդի Հասանայ և Դոփին, քոս-

1 Մ. Մաշտոցի անվան մատենադարան, ձեռ. № 821, Թ. 2ա, ր:

2 Բ. Ա. Ուլուբաբյան, Խաչենի իշխանությունը X—XVI դարերում, Երևան, 1975, էջ 154—155:

3 Г. Овсеян, Потомство Тарсапча Орбеляна и Мина-Хатуни («Христанский Восток», т. II; СПб., 1913, с. 222—224), նույնի՝ Խաղարկյանք կամ Պոռչյանք հայոց պատմության մեջ, Վաղարշապատ, 1928, էջ 20, Հ. Մանանդյան, Քննական տեսություն հայ ժողովրդի պատմության, հ. գ. Երևան 1977, էջ 165, Գ. Ե. Կիրակոսյան, Մատենագիտական տեղեկությունների Դոփյանների մասին («Պատմա-բանասիրական հանդես», 1969, № 1, էջ 217—218):

4 Բ. Ա. Ուլուբաբյան, նշվ. աշխ., էջ 154:

րորդի սպարապետացն Հայոց և Վրաց՝ Ջարարիայի և Իւանէիք⁵։ Արդ, հարց է ծագում. ինչպես կարող էր մեծավաստակ հայագետ Գ. Հովսեփյանը հրատարակել այս հիշատակարանը և շնկատել Դոփյանների ծագումը հավաստող այդ հանրահայտ փաստը։ Ինչպես արդեն ասվեց, նա այդ մասին խոսում է դեռևս 1913 թ. հրատարակած Օրբելյաններին նվիրված հոդվածում, իսկ հետագայում՝ հաղթականներին նվիրված հմտալից աշխատութունում⁶։

Թեևս հարկ չլինեք կրկին անդրադառնալու այս հարցին, եթե Բ. Ուլուբարյանը Դոփյանների տոհմածառում թույլ շտար որոշ սխալներ։ Արդ, ո՞վ էր Դոփի ամուսին Հասանը և ինչ տոհմից էր սերում։ Ըստ Բ. Ուլուբարյանի, Հասանը սերում էր Հաթերքի իշխաններից. նա Վախտանգ իշխանի որդին էր և Սակոի եղբայրը, 1182 թ. Դադի վանքում թողած իր արձանագրութունում՝ Վախտանգի որդի Հասանը հայտնում է, որ ինքը կառավարել է 40 տարի, ունեցել է վեց որդի, իր բերդերն ու գավառները տվել է նրանց և ինքը կնոջ՝ Մամայի հետ եկել է Դադի վանք, իր եղբայր Գրիգորի մոտ և դարձել կրոնավոր⁷։ Այս նույն փաստը հաստատում է նաև Հասանի կնոջ՝ Կյուրիկե թագավորի դուստր Մամայի՝ Դադի վանքում 1182 թ. թողած արձանագրութունը⁸, Հասանի վանք մտնելուց հետո իշխանական տան ավագութունը անցել է նրա Վախտանգ որդուն, որը կառավարել է 1182—1214 թթ.։ Վախտանգը ունեցել է երկու որդի՝ Հասան և Տեր Գրիգոր։ Վախտանգի կնոջ՝ Արզու խաթունի, 1214 թ. արձանագրութունից պարզվում է, որ նրանց երկու որդիներն էլ մահացել են երիտասարդ հասակում։ Արզու խաթունն ի հիշատակ իր որդիներին և ամուսնու Դադի վանքում կառուցել է եկեղեցի, որին նվիրել է գյուղեր ու ագարակներ։ Այդ առթիվ թողած արձանագրութունից պարզվում է, որ Հասանը՝ Վախտանգի և Արզու խաթունի ավագ որդին, մահացել է օտարների դեմ պատերազմում, որից երեք ամիս հետո մահացել է կրտսեր որդին՝ տեղ Գրիգորը⁹։ Այս Հասանը Դոփի ամուսինը լինել չէր կարող, որովհետև արձանագրութան բովանդակութունից պարզվում է, որ նա ամուսնացած չի եղել։ Բ. Ուլուբարյանը գրում է, որ Դոփի որդի Գրիգորի 1244 թ. հիշատակարանում հիշված Հասանը կարող էր լինել միայն ու միայն Վերին հաշենի Վախտանգ իշխանի որդին և Սակոի եղբայրը¹⁰, սակայն այս միտքը հաստատող որևէ փաստ չի բերում։

Դոփի ամուսին Հասանն ապրել ու գործել է XII դ. երկրորդ կեսին և XIII դ. սկզբին։ Նա դեռ ապրում էր, երբ նրա եղբայր Հովհաննեսը 1204 թ. կառուցել տվեց Խաղարի վանքի եկեղեցին. «ԻՄԳ: (1204) թուխս. ես տր. Յոհանէս շինեցի զեկեղեցիս եւ ժողովեցի զխաչ եւ զգիրք որ ի սմա եւ արկի ի դձոթաշն ալգին եւ զՄատաղիսն բազում աշխատութբ/։ եւ նտու զվանքս իւր ամէն սահմանաւ իմ աւագ աղբարն Հասանա եւ իւր որգեացն Հաթերք տեառնն միջնորդութբ...»¹¹։ Այս նույն եկեղեցու պատին արձանագրութուն է թողել նաև Հասանը. «Յանուն այ. այս իմ գիր է Հասանա, որ երբ իմ աղբէրս զեկեղեցիս շինեաց ու զվանքս ինձ երես, ես ղննձորբակս իւր սահմանովն ի յե-

5 Գ արեգին Ա. կաթողիկոս, Երշատակարանը ձեռագրաց, Կ. Ա, Անթիլիաս, 1951, էջ 959.
 6 Գ. Հովսեփյան, հաղթականը կամ Պոռչյանը հայոց պատմութան մեջ, էջ 19—20 և ուրիշ՝ Потомство Тарсача Орбеляна и Мина-Хатуни, с. 222—224.
 7 Հ. Շահխաթունյանց, Ստորագրութիւն կաթողիկէ էջմիածնի և հինգ զաւուացն Արարատայ, Կ. Բ, էջմիածին, 1842, էջ 361—362, «Դիվան հայ վիմագրութան», պրակ V, կազմեց Ս. Բարխուդարյան (այսուհետև «Դիվան», V), Երևան, 1952, էջ 138.
 8 Հ. Շահխաթունյանց, նշվ. աշխ., Կ. Բ, էջ 361—362, «Դիվան», V, էջ 215.
 9 «Դիվան», V, էջ 199, Հ. Շահխաթունյանց, նշվ. աշխ., էջ 356, Մ. Բարխուդարյանց, Արցախ, Բագու, 1895, էջ 204—205.
 10 Բ. Ա. Ուլուբարյան, նշվ. աշխ., էջ 155.
 11 «Դիվան», V, էջ 121, Մ. Բարխուդարյանց, նշվ. աշխ., էջ 194.

կեղեցիս սուրի...»¹² Արձանագրություններում ուշադրության է արժանի այն փաստը, որ Հովհաննեսը և Հասանը չեն հիշատակում հաթերքցիների հետ իրենց ազգակցական կապի մասին: Հասանի արձանագրությունը թվական չունի, սակայն պարզ է, որ այն գրվել է 1204 թ., երբ Հովհաննեսը ավարտել է եկեղեցու կառուցումը: Հովհաննեսի արձանագրությունում ուշագրավ է այն միտքը, որ նա վանքը իր սահմաններով եղբորն է հանձնել Հաթերքի տեղիքի միջնորդությամբ, իսկ դա նշանակում է, որ Հաթերքի Վախտանգ իշխանը պատրոնի իրավունք է ունեցել Հասանի և Հովհաննեսի նկատմամբ: Այս միտքը անառարկելիորեն հաստատում է Վախտանգի կին Արզու խաթունի 1214 թ. թողած արձանագրությունը. «...ես Արզուխաթունս նուստտ աղախին Քի. դուստր մեծի իշխանաց իշխանին Քրդին եւ ամուսին Վախտանկա թագաւորազնո տն. Հաթերքո եւ ամենայն Վերին հաչննո...»¹³: Վախտանգը մահացել է 1214 թ. իսկ մինչ այդ, ինչպես վերը տեսանք, նույն տարում մահացել էին նրա երկու որդիները՝ Հասանը և տեղ Գրիգորը: Ժառանգորդ չունեցող Հաթերքի Վախտանգ իշխանի տիրույթները անցան Իվանեին, իսկ վերջինս դրանք տվեց իր քրոջը՝ Դուփին: Այդ մասին կա Վարդան վարդապետի մի վկայությունը. «Ի վեց հարիւր վաթսուն և երեք (1214) թուին զՀաթերք յԻւանէ տուին տեարք նորա, զի մեռաւ Վաղթանգ բուն տէր նորա և որդիք իւր տաղածամ, և միւս Վաղթանգ Սակոեանց, փնտայն Իւանէի, տէր ներքին հաչննո»¹⁴: Վարդան վարդապետի այս վկայությունը կարևոր է երկու առումով. նախ, որ Հաթերքի և ներքին հաչննի Վախտանգների միջև չկա ազգակցական կապ և ապա Սակոյաններ կոչվել են ներքին հաչննի իշխանները: Սակայն Բ. Ուլուբաբյանը, որպեսզի իրական դարձնի Սարի և ներքին հաչննի իշխանական տների ազգակցական կապը, Վարդան վարդապետի խիստ պարզ ու հասկանալի միտքը մեկնաբանում է հետևյալ կերպ. «Մենք հակված ենք Վարդանի «միւս Վաղթանգ Սակոեանց»-ի մեջ «միւս»-ը վերագրել ոչ միայն Վախտանգին, այլև «Սակոյանց-ին, որով կհաստատվի, որ Վերին հաչննի ճյուղը ևս հնում կոչում էր Սակոյանց, կամ այն ներքին հաչննի ճյուղից հատվածվել է Սակո նախնուց սկսած»¹⁵: Կարծում ենք, որ Վարդան վարդապետի վկայության՝ Բ. Ուլուբաբյանի կատարած վիրահատությունը անտեղի է, ուստի չի կարող կապ ստեղծել Գոփյանների ու Սակոյանների միջև: Ինչպես վերը տեսանք, ոչ Հովհաննեսը և ոչ էլ Հասանն իրենց արձանագրություններում (1204 թ.) չեն հիշատակում, որ ունեցել են Վախտանգ անունով հայր և Սակո եղբայր: Ինքը՝ Սակոը ևս 1216 թվակիր իր արձանագրությունում չի հիշատակում, որ ունեցել է Հովհաննես և Հասան անուններով եղբայրներ. «Թիւն: Ոկն: (1216). Ես Սակո որդի Վախտանգա կանգնեցի զխաչաբարեխաւս առ Աստուած հոգո իմո և ետու զթղերկա այգին իւր հողով և կատապանաւ և Եզնանստին երկիրն ի սուրբ Գրիգոր Բերդաձորա և զԲախերին Մատաղիսն, և զՃաքեցանց երկիրն և :Ա: ջաղաց ի ժամատուն բե հոգո. փրկութիւն ամուսնո իմո, ի հայրապետութեանն տէր Յոհաննիսի...»¹⁶: Սակոի այս արձանագրությունը գտնվում է Մարտակերտի շրջանի Վաղուհաս գյուղի մոտ գտնվող մի խաչքարի վրա: Նա մի արձանագրություն էլ թողել է Բերդաձորի ս. Գր/իգոր եկեղեցին կառուցելու կապակցութեամբ. «Թիւն: ՈՂԳ: (1224) էր. Ես Սակո, որդի Վախտանգ/ա, եղբայր Հասանա շինեցի զեկեղեցիս եւ Ե/տու զորդի իմ զԳրիգոր/ս սպասաւոր...»¹⁷: Սակոի այս երկու արձանագրությունները գրվել են Դուփի ամուսին Հասանի մահից բավական հետո, երբ Դուփը որպես Սարի

¹² «Դիվան», V, էջ 122, Մ. Բարխուտարյանց, նշվ. աշխ., էջ 194, Ն. Շահխաթունյանց, նշվ. աշխ., հ. Բ, էջ 356:

¹³ «Դիվան», V, էջ 199, Մ. Բարխուտարյանց, նշվ. աշխ., էջ 204, Ն. Շահխաթունյանց, նշվ. աշխ., հ. Բ, էջ 356:

¹⁴ «Հաւաքումն պատմութեան Վարդանայ վարդապետի լուսարանեալ», ի վեներկ, 1862, էջ 140:

¹⁵ Բ. Ա. Ուլուբաբյան, նշվ. աշխ., էջ 158:

¹⁶ «Դիվան», V, էջ 114—115:

¹⁷ նույն տեղում, էջ 116:

իշխանության իրավական տնօրեն ձեռք էր բերել մեծ համբավ: Իսկ 1214 թ. Վախտանգի մահից հետո, ինչպես վերը ասվեց, Հաթերքի տիրույթները տրվել էին Իվանեին, որն իր հերթին դրանք հանձնել է իր քրոջը՝ Դոփին և նրա որդիներին: Այս ժամանակներից էր, որ գրավոր աղբյուրներում Մարի իշխանագուհիներն իրենց կոչեցին Դոփյաններ: Հետևապես, եթե Սակոի եղբայր Հասանը Դոփի ամուսինը լիներ, ապա Սակոն այդ անպատճառ կնշեի: Այս ամենից կարելի է հետևեցնել, որ Սակոի արձանագրություններում հիշատակված Հասանն ու Սակոը Դոփի հետ չեն առնչվում որպես ամուսին և տագր: Մեր այս վարկածը հաստատում է նաև Սակոի որդի Գրիգորիսի՝ ս. Գրիգոր եկեղեցու հյուսիսային պատի 1281 թ. արձանագրությունը, ուր Գրիգորիսը չի հիշատակում Դոփյանների հետ իր ազգակցական կապի մասին. «Յիշխանութեան բարեպաշտ արքային Ջալալ Դալին եւ որդի իւր/ոյ Իւանոյ Աթարակին, ես Գրի- [գորի]ս, որդի Սակոի վերստին շինեցի | զեկեղեցիս ի թուիս : ԶԻ: (1281)...»¹⁸, ինչպես վկայում է արձանագրությունը, խնդրո առարկա ժամանակաշրջանում Վաղուհաս և Բերդաձոր գյուղերը պատկանում էին Հասան-Ջալալյաններին: Բ. Ուլուբաբյանի կազմած տոհմածառի Առանչահիկների ճյուղում կա XI դ. երկրորդ կեսին ապրած Վախթանգ-Սակո, որի որդիներն են Գրիգորը և Հասան կրոնավորյալը (1142—1182). սրանց ենթադրաբար կցված են Հասան Մարեցին, Հովհաննես եպիսկոպոսը և Սակոը¹⁹: Ըստ երևույթին, Բ. Ուլուբաբյանը երկամտությամբ Վախտանգ-Սակոի որդիներ է համարում Հասան Մարեցուն, Հովհաննես եպիսկոպոսին և Սակոին: Հաթերքի ճյուղը նա սկսում է այս Վախտանգ-Սակոով, որի զավակներն են Հասանը (կրոնավորյալը), Գրիգորը, Սըմբատը և Վահրամը²⁰: Այս ճյուղագրություններում նրանց այլևս ենթադրաբար կցված չեն Հասան Մարեցին, Հովհաննես եպիսկոպոսը և Սակոը: Հաթերքի ճյուղում կան Վախտանգներ, որոնցից ոչ մեկը, սակայն, Հասան Մարեցու և Հովհաննես եպիսկոպոսի հայրը չէ, իսկ Բ. Ուլուբաբյանի կազմած Մարա ճյուղը սկսվում է XII դ. ապրած ոմն Վախտանգով, որը համարվում է Հասան Մարեցու, Հովհաննես եպիսկոպոսի և Սակոի հայրը²¹: Սակայն ինչպես արդեն տեսանք, արձանագրություններով այդ չի ապացուցվում: Հասան Մարեցին Վախտանգի որդին չէ և Բ. Ուլուբաբյանի փորձերը՝ նրան կապելու Հաթերքի ճյուղի հետ՝ սկզբնաղբյուրներով չեն հիմնավորվում: Հետևապես, Դոփի ամուսին Հասանը Սակո անունով եղբայր չի ունեցել: Նրա եղբայրն էր Հովհաննես եպիսկոպոսը: Իսկ թե ի՞նչ ծագում ունենր Դոփի ամուսին Հասանը, այս հարցին առայժմ դժվար է ճշգրիտ և վերջնական պատասխան տալ: Թերևս Հասանը զինվորական ծառայության մե՞ջ է եղել Ջաբարյանների մոտ և աչքի է ընկել հավատարմությամբ: Դրա համար էլ Ջաբարյանները նրան արժանացրել են իրենց փեսայանալու պատվին և նորապսակներին շնորհել Վերին Խաչենը: Միգուցե՞ Հասանը սերում է Վերին Խաչենի իշխանական որևէ ճյուղից, սակայն այս վարկածը ևս կարոտ է ապացուցման: Ինչպես տեսանք, Հովհաննես եպիսկոպոսի Խաղարի վանքի արձանագրությունում ոչինչ չի ասվում նրա և Հաթերքի տերերի ազգակցական կապի մասին: Եթե Հասանը սերած լիներ Հաթերքի Վախտանգյաններից, ապա նրա ժառանգները, կարծում ենք, այդ մասին կհիշատակեին, ինչպես վարվում էին առհասարակ Վախտանգյանները:

Հասանը վաղ է մահացել և նրա զավակների փոքրահասակության պատճառով իշխանության գործերը վարել է Դոփը: Նույնիսկ այն ժամանակ, երբ նրա Գրիգոր որդին նշանավոր դեմք էր Արևելյան Հայաստանում, դարձյալ Դոփը հանդես էր գալիս մեծ իրավունքներով: Դոփը 1225 թ. կառուցել է Խաղարի վանքի գավիթն ու մատուռը. «Թուին : ՈՂԴ: (1225) ես Դոփս, դուստր Սարգսի, քոյր Ջաբարէի եւ Իվանէի շիինցի զգաւիթս եկեղեցոյս և զմատուռս եւ տվի

18 Նույն տեղում, էջ 116: Արձանագրությունում Հասան-Ջալալը հիշվում է որպես ապրող, սակայն մենք գիտենք, որ Հասան-Ջալալը սպանվել է 1261 թ.՝ Արղունի կողմից:
 19 Բ. Ա. Ուլուբաբյան, նշվ. աշխ., տոհմածառը:
 20 Նույն տեղում:
 21 Նույն տեղում:

դաւետարանս եւ Յանկաբա կուց երկիրն եւ զիմ հակուղենաց մատաղիսն՝ յնկեղեցիս՝ իմ հոգոյ...»²² Հաղբատի մոտ գտնվող Քառասնից վանքի անթվակիր մի արձանագրութիւնից պարզվում է, որ Դոփի հրամանով ումն Զամալարինս միաբանել է վանքին. «Հրամանաւ պարոնացն և Դաւիին ես Զամալարինս միաբանեցա սբ. Քառասնից»²³, Թե մինչև երբ ապրեց Դոփը, հայտնի չէ: Նրա մասին 1225 թ. հետո այլևս հիշատակութեան չենք հանդիպում: Դոփը թաղված է Հաղբատի վանքում. նրա տապանաքարին արձանագրված է: «Զաքարէի եւ Իւանէի քոյրն է Դաւին»²⁴:

Հասանը և Դոփն ունեցել են երկու որդի. Հովհաննես՝ եպիսկոպոս Սանահրնի, ապա Հաղբատի և Գրիգոր՝ իշխան, որը մեծ դեր է խաղացել Վերին Խաչնի քաղաքական կյանքում: Բ. Ուլուբաբյանը գրում է, որ Հասանի ու Դոփի դավակներէրց աղբյուրներում հիշատակվում են շորսը՝ Գրիգոր եպիսկոպոս Հաղբատի, Հովհաննես եպիսկոպոս Սանահրնի, ապա Հաղբատի, Գրիգոր մեծ իշխանը և Գերգը կամ Գևորգը²⁵: Սակայն սկզբնաղբյուրների ուշադիր քննութիւնը մեզ բերում է այլ հետևութեան: Աղբյուրներում հիշատակված Գրիգոր վարդապետը, որին Բ. Ուլուբաբյանը համարում է Հասանի ու Դոփի որդին, թերևս Նրջխի որդեգրած զավակն է: Խնդրո առարկա Գրիգորին Հ. Ղըրմեցին, Ա. Երիցյանը, Կ. Կոստանյանցը, Հ. Մանանդյանը²⁶ և ուրիշներ նույնացրել են Գրիգոր Տուտեորդի Խաչնեցու հետ և նրան չեն համարում Հասանի ու Դոփի որդի: Սևորդայց ձորում Գրիգոր վարդապետը խաչքար է կանգնեցրել, որի արձանագրութեան մեջ հայտնում է, թե ինքը Զաքարեի և Իվանեի քրոջ որդին է: Այդ արձանագրութիւնը Ս. Զալալյանցը և Կ. Ղաֆաղարյանը վերծանել են որոշ տարբերութիւններով. «Ես տէր Յօհաննէս տնկեցի զայս տնյարկս մեծավաշխատութեամբ և ի ՈՒՆԷ Թուին ես Գրիգոր վարդապետ, քուէր որդի պատրոնացն նոր շինեցի զայգիս և կանգնեցի զխաչս յառաջնորդութեան հայր Յովհաննէսի վասն յիշատակ նոցա և ինձ»²⁷: Կ. Ղաֆաղարյանի վերծանածում շկա արձանագրութեան առաջին մասը. «Եւ ի ՈՒՆԷ (1178) Թուին, ես Գրիգոր վարդապետ քուերորդի պատրոնացն՝ նոր շինեցի զայգիս եւ կանգնեցի զխաչս յառաջնորդութեան հայր Յովանիսի՝ վասն հիշատակի նորա և ինձ»²⁸: Արձանագրութեան բովանդակութիւնը հաստատում է, որ Գրիգոր վարդապետը իսկապես Զաքարեի և Իվանեի քրոջ որդին է, սակայն ո՞ր քրոջ: Իր տեսակետը հիմնավորելու համար Բ. Ուլուբաբյանը վկայակոչում է Դադի վանքի մի խաչքարի վրա Գրիգորի թողած արձանագրութիւնը. «ԹՎԻՆ : ՈՒՆԷ (1181) ես Գրիգոր քուերորդի կանգնեցի զխաչս եղբաւր իմո Գիոյրգա...»²⁹: Արձանագրութիւնից պարզ չէ թե ում քրոջ որդին է եղել այս Գրիգորը և չի նշվում նրա տոհմական

22 «Դիվան», V, էջ 127:

23 Ս. Զալալյանց, Ծանապարհորդութիւն ի Մեծն Հայաստան, մասն Ա, Տիպիս, 1842, էջ 118:

24 Կարո Ղաֆաղարյան, Հաղբատ, Երևան, 1963, էջ 185:

25 Բ. Ա. Ուլուբաբյան, նշվ. աշխ., էջ 160:

26 Յ. Ղըրմեցի, Պատմութիւն հռչակաւոր Վանից Հաղբատայ Սուրբ Նշանին, Վիեննա, 1865, էջ 86, Ա. Երիցյան, Ամենայն հայոց կաթողիկոսութիւնը և Կովկասի հայք 19-րդ դարում, մասն Ա (1800—1832), Թիֆլիզ, 1894, էջ 213, Կ. Կոստանյանց, Հայոց վանքերը, Մոսկվա, 1886, էջ 58, 60, Հ. Մանանդյան, նշվ. աշխ., էջ 160:

27 Ս. Զալալյանց, նշվ. աշխ., մասն Ա, էջ 80:

28 Կ. Ղաֆաղարյան, Սանահրնի վանքը և նրա արձանագրութիւնները, Երևան, 1957, էջ 188: Արձանագրութեան թվականը Կ. Ղաֆաղարյանը սխալ է վերծանել, ճիշտը Ս. Զալալյանցի վերծանածն է՝ ՈՒՆԷ, որովհետև ՈՒՆԷ (1178) թ. Լոռին դեռ Զաքարյաններին չէր պատկանում: 1185/1186 թ. Թամար թագուհին Սարգիս Զաքարյանին նշանակեց ամիրսպասալար և նրան տվեց Լոռին («История восхваления везеносцев», груз. текст перевел, предисловием и примечаниями снабдил проф. К. С. Кежелидзе, Тбилиси, 1954, с. 41—42), տե՛ս նաև Ա. Ի. Շահնազարյան, Վահրամյանների իշխանութեան պատմութիւնից (ՀՍՍՀ ԳԱ «Լրաբեր», 1974, № 4, էջ 104—105):

29 «Դիվան», V, էջ 211, Բ. Ա. Ուլուբաբյան, նշվ. աշխ., էջ 169:
Լրաբեր 3—6

պատկանելությունը, հետևապես անվերապահորեն նրան Դոփի և Հասանի որդի համարելը ճիշտ չէ: Բ. Ուլուբաբյանը գրում է, որ քանդակողը քարի վրա տեղ չլինելու պատճառով չի գրել Զաքարեի և Իվանեի անունները: Անհավանական է նաև նրա այն միտքը, որ Գրիգոր վարդապետը եղել է Դադի վանքի հո-



գևորական, ուր կրթվել է ու դաստիարակվել³⁰: Իսկ ով էր խնդրո առարկա Գրիգորը, Սարգիս ամիրսպասալարի ո՞ր դստեր զավակն էր նա: Հայտնի է, որ

30 Բ. Ուլուբաբյան, նշվ. աշխ., էջ 169.

Սարգիս ամիրսպասալարի նրջիս և նանա դուստրերը ժառանգ շնն ունեցել և սխալ չի լինի, եթե Գրիգոր վարդապետին համարենք նրանցից մեկն ու մեկի որդեգրած դավակը: Սկզբնաղբյուրների ուշադիր քննությունը մեզ բերում է այդ համոզմանը: Այսպես, Հառիճի վանքում Գրիգոր վարդապետի 1235 թվակիր արձանագրությունը և Հովհաննավանքում նանայի թողած արձանագրությունը նանարավորություն են տալիս ոչ միայն պարզելու Գրիգորի ինքնությունը, այլ նաև բացահայտվում են վաղամեոթիկ ամուսինների հիշատակը հարգելու հիասրանջ օրինակներ: Նրջիսը և նանան ժողիկ հասակում զրկվելով իրենց ամուսիններից, զավակներ են որդեգրել և իրենց նվիրել նրանց դաստիարակության ազնիվ գործին: Հառիճի վանքի արձանագրություններից մեկում կարդում ենք. «Ծս Գրիգոր սնուցած մեծին Սարգսի դստերն Նրջիսին տուի անտարան զուգաւք ի սուրբ և կեղեցիս ողորմութեամբ ...իմոյ և հաստատեցին ի տարին գաւր պատարագ. բաւրն ինձ և և աւրն Բանուհաշին ի թուիս ՈՉԳ (1234)»³¹: Այս արձանագրությունը հրատարակել է նաև Ս. Զալալյանցը. «Ծս Գրիգոր սնուցած մեծին Սարգսի դստերն նանայի...»³²: Խնդրո առարկա արձանագրությունում Սարգիս ամիրսպասալարի դստեր անվան տարբերությունները նշանակություն չունի: Կարևորն այն է, որ Գրիգոր վարդապետը եղել է նրջիսի կամ նանայի որդեգրած զավակը, որը վարդապետ է եղել Սանահնում ու Հազբատում, եղել է նաև Հառիճի վանքի առաջնորդը: Այսպիսով, հերքվում է Բ. Ուլուբաբյանի այն միտքը, որ Գրիգորը եղել է Դաղի վանքի հոգևորական:

Քույրերի և նրանց որդեգրած զավակների միջև ստեղծվել է ջերմ և հոգեհարազատ փոխհարաբերություն: Այս իմաստով առավել խոստով է Հովանավանքում նանայի թողած արձանագրությունը. «...Ծս նանայս դուստր մեծ հարապետին Սարգիս որդու Ջաքարէի որդուց Աւագ Սարգսի կանգնեցն ի վերայ նորակերտ վարդապետիս Մարգարէի, որ ի սկզբն աշակերտութեան իւրոյ որդիացաւ ինձ, և առաւել եղել քան զծնունդ յորովայնի, և հոգայր զաւգուտն հոգույ իմոյ...»³³: Ահա այսպիսի ջերմ հարաբերություններ էին առաջացել նաև Գրիգորի և նրան որդեգրած Նրջիսի կամ նանայի միջև, որը և նրան հիմքեր էր տալիս իրեն համարելու «քուէր որդի պատրոնացն»:

Անհրաժեշտ է ուշադրություն դարձնել մեկ այլ կարևոր հանգամանքի վրա ևս: Հաղբատում թաղված Դոփյան իշխանական տան ժառանգների տապանաքարերի արձանագրություններից անբեկբայորեն երևում է նրանց պատկանելը Դոփյաններին և ազգակցությունը Ջաքարյանների հետ: Այսպես օրինակ, նրանց տապանաքարերի վրա կարդում ենք. «Ջաքարէի և Իւանէի քվերորդին Յովհանն(է)ս եպիսկոպոս տեղոյս»³⁴ կամ «Ջաքարէի և Իւանէի քոյրն է Դաւիթն»³⁵: Սրանց կողքին թաղված է Գրիգորիսը, որին Բ. Ուլուբաբյանը համարում է Հասանի և Դոփի որդի³⁶, սակայն նրա տապանաքարին արձանագրված է երկու բառ, ստէր Գրիգորէս»³⁷: Նույն շարքում գտնվող տապանաքարերից մեկի վրա արձանագրված է. «Ըէր Գրիգորէսի եղբայրն»³⁸: Ինչպես տեսնում ենք, տեր Գրիգորիսի և նրա եղբոր տապանագրերում ոչինչ չի ասվում Ջաքարյանների հետ նրանց ազգակցական կապի մասին, իսկ եթե այն գոյություն ունենար, ապա անպատճառ կնշվեր, ինչպես դա արվում էր նրանց իսկական ազգակիցների տապանագրերում: Այսպիսով, փաստերի համադիր քննությունից պարզվում է, որ Հասանը և Դոփը ունեցել են երկու որդի՝ Հովհաննես և Գրիգոր: Դոփի հետ իշխանությունը վարած և նրան հաջորդած Գրիգոր իշխանի մասին առաջին հիշատակությունն առայժմ թվագրվում է 1224-ով: Այդ թվականին

31 Ղ. Ալիշան, Երրակ, Վենետիկ, 1881, էջ 162:

32 Ս. Զալալյանց, նշվ. աշխ., մասն Ա, էջ 214:

33 Ղ. Ալիշան, Այրարատ, Վենետիկ, 1980, էջ 175:

34 Կարո Ղաֆաղարյան, Հաղբատ, էջ 184:

35 Նույն տեղում, էջ 185:

36 Բ. Ա. Ուլուբաբյան, նշվ. աշխ., էջ 160, 162:

37 Կարո Ղաֆաղարյան, Հաղբատ, էջ 184:

38 Նույն տեղում, էջ 189:

Հասանի որդի Գրիգորը Դադի վանքին է նվիրել շորս տուն շինական³⁹։ Սակայն Բ. Ուլուբաբյանը գրում է, որ Գրիգորի մասին առաջին տեղեկությունը վերաբերում է 1220 թ.⁴⁰, իր ասածը հաստատելու համար բերելով Խաղափանքի 1220 թ. մի կեսեղծ արձանագրություն։ Ինչպես գրում է Բ. Ուլուբաբյանը, այն ինքն արտագրել է վանքի ղանգակատան խորքի պատի մեջ գտնվող Գրիգոր իշխանի կանգնեցրած խաչքարից, որով նա հաստատում է իր ընծաները վանքին. «Թ. Ոկթ» (1220) «Ես Գրիգոր որդի Հասանա || տվի Ջարհի այգին || ... տ || վի ի Խաղափանք վանս... Ե(5)աւր... իմ հոգոյ || ով խափանէ...»⁴¹։ Մի կողմ թողնելով այն հանգամանքը, որ եթե հիշյալ Գրիգորը Հասանի ու Դոփի որդին լիներ, ապա այդ մասին անպատճառ կհիշատակեր, մեզ մնում է առնվազն զարմանալ, թե ինչպես խաչքար կանգնեցնող և արձանագրությունը գրել տվող Գրիգորի հոր Վաճրամ անունը Բ. Ուլուբաբյանը գարձրել է Հասան։ Ահա այդ արձանագրությունը վաստակաշատ վիմագրագետ Ս. Բարխուդարյանի ընթերցմամբ. «Թվին Ոկթ, (1220). ես Գրիգոր, որդի Վարհամայտվի զԱրեւհատանց երկիրն Գորատափին այգին, տվի [ի] Խաղափանք վանս, տարումն ւն։ աւր ժամ իմ հոգոյս արարայք սբ. Գորգին»⁴²։ Ի դեպ Ս. Բարխուդարյանը արձանագրությունը արտագրել է տղ թե զանգակասան խաչքարից, այլ եկեղեցուն կից կառուցված մատուռի առևտյան պատից⁴³, Խաղափանքի զանգակատան պատերից Ս. Բարխուդարյանն արտագրել է ընդամենը երկու արձանագրություն, որոնք անթվակիր են և բոլորովին այլ բովանդակություն ունեն⁴⁴։ Անհրաժեշտ ենք գտնում արձանագրության առաջին տողը տալ նաև հմուտ վիմագրագետ Ս. Տ. Սաղումյանի վերծանությունը։

Թ Կ
Ո Թ

ԵՍ ԳՐԳ ՈՐ ՈՐԴԻ ԽԱՂՓԱՆՔ

Ինչպես տեսնում ենք, Ս. Տ. Սաղումյանի և Ս. Բարխուդարյանի ընթերցումները նույնական են։

Այսպիսով, ինչպես ասացուցում են փաստերը, խնդրո առարկա Գրիգոր վարդապետը աղգակցական կապերով չի կապվում Դոփյանների հետ։ Հասանը և Դոփը չէին կարող Գրիգոր անունով երկու որդի ունենալ։ Նրանց որդիներն են Հովհաննես Եպիսկոպոսը և Գրիգոր իշխանը։

К ВОПРОСУ О ПРОИСХОЖДЕНИИ КНЯЖЕСКОГО РОДА ДОПЯН

ГЕГАМ КИРАКОСЯН

Резюме

В исторической литературе о происхождении княжеского рода Допян высказаны разные точки зрения. В источниках впервые о нем упоминается в XIII в., что исходит от имени сестры Закаре и Иване.

³⁹ «Դիվան», V, էջ 201։

⁴⁰ Բ. Ուլուբաբյան, նշվ. աշխ., էջ 229։

⁴¹ Նույն տեղում, էջ 230։

⁴² «Դիվան», V, էջ 126։

⁴³ Նույն տեղում։

⁴⁴ Նույն տեղում, էջ 127—128։

Первоисточники дают скурые сведения и относительно происхождения и деятельности Асана, супруга Доли. Вероятно, Асан не имел княжеского происхождения. Он умер молодым и по этой причине наследники этого рода преемствовали его фамилию.

Параллельное исследование источников уточняет родоначало двух поколений этого княжеского рода. К числу этих источников в первую очередь относятся памятные записи армянских рукописей и эпиграфические надписи этого периода, в которых сохранились первые упоминания о роде Домян. Данные этих источников дают возможность составить представление о происхождении и родословной указанного рода. В надписи Григор ничего общего с родом Домян не имеет.